

陸淵雷主編 謝誦穆編輯

第五號

中華民國二十四年一月出版
中華民國二十四年二月再版

中醫新生命

淵雷

本 期 目 錄

新春裏的熱望	謝誦穆	紅藤治腸癰	何墨君
節補達生篤緒言	徐瀛芳	臨證雜記	謝誦穆
關於有汗忌麻桂合用	朱師墨	療治漫話(續)	蔡子模
擬重刻古醫書目序	章太炎	險證紀實	謝良毅
擬重刻古醫書目	馮一梅	朱師墨君來函	
眼藥的分析	淑 齋	樓民樂君來函	
小兒服回春丹須知	鄭重真	呂在申君來函	
談新藥學及著者	王念茲	東天民君來函	
辨傷寒論誤文二條	張毅成	張國珍君來函	
續辨傷寒論誤文二條	前 人	鄧慶雲君來函	
近世內科國藥處方集	葉橘泉	施惠寰君來函	
紅藤敗毒與免蘇	蔡子模	從根本上推翻氣化(二續)	陸淵雷

陸淵雷函授中醫學

本醫室開辦遙征函授科學化之中醫學。已出講義二十期。學者來函無不深表滿意。惟敝處不事宣傳。僅於開辦時登日報一次。故知者尙少。來學者亦不多。今續招新學員。凡國文通順。有志學醫者。不限年齡性別。皆可入學。尤宜於後開各界人士。(一)謀家庭衛生。欲得醫藥知識者。(二)感中醫學說之玄奧。欲得科學化合理化學之醫學說者。(三)西醫欲兼學中醫者。(四)舊中醫欲補充新學說。及臨診上之知識技能者。印有章程函索附郵票五分。凡於國曆本年三月底以前入學。一次繳束脩十個月以上者。贈陸氏論醫集一部。價值五元。一次繳束脩五個月以上者。贈閱中醫新生命五期。從最近出版者起。按期寄發。舊生續繳束脩者。於期限內亦同贈。又敝處學員。除因經濟衰落。中途要求減費而不許。以致輟學者外。現有繼續修業者百餘人。他日滿足二百人時。束脩尙可照章減少。敝處向不用手段作招徠方法。滿足二百人然後減費。亦是事實問題。蓋一樣排印寄發。人少人多。同一勞費。人多惟增加閱卷答問時間而已。人少則不敷印刷辦公諸費。即收費無法核減也。他日減費時。舊學員繼續修業。或已畢業者。得扣還溢繳之束脩。其辦法屆時另訂。務期極公道。一併聲明。

上海牯嶺路人安里陸淵雷醫室啓 電話九三二八六

陸著醫書

金匱要略今釋

今注解極少。近出參以新理者。尤渺不可得。追論精粗。淵雷此著。後於傷寒今釋三年。自謂發明新義極多。比傷寒今釋更善。連史紙精裝八厚冊。定價十二元。實售七折。郵費四角。國外酌加。

傷寒論今釋

用科學解釋最有價值之舊醫書。說解詳明。徵引極博。可以作研讀古書之鎖鑰。亦可以實際應用。與金匱今釋同為中醫學必讀之書。連史紙精裝八厚冊。定價十元。實售七折。郵費三角。國外酌加。

陸氏論醫集

淵雷歷年論醫文字。文言白話。長篇短篇俱有。議論精警。趣味雋永。連史紙精裝四大冊。定價五元。實售六折。郵費二角。國外酌加。為金匱出版紀念。售特價兩個月。金匱傷寒皆售六折。論醫集對折。國歷三月底截止。期內合購金匱傷寒者。贈論醫集一部。不取分文。

發行處

上海牯嶺路人安里陸淵雷醫室內

代售處

上海三馬路千頃堂書局
上海四馬路一八三號國醫印書館

本刊徵稿啓事

本編原爲本醫室遙從同學要求互觀課卷答問而作。故選稿限於同學作品。而定名傳習錄。逮第一號書樣印成校讀。頗嫌範圍太狹。蓋等是一番編選校印寄發手續。若僅供及門同學之閱覽。未免勞費過鉅。若普遍發行。則選稿又不當限於同學作品。故改名爲中醫新生命。併徵求海內同志賜稿。其宗旨在用中國藥物以治療疾病。而用科學原理研究其方法學理。凡合於上述宗旨之大作。不勝歡迎。茲從本號起。絡續登載。仍附入遙從同學之作品。惟第一號業已排成。不及追改。閱者諒諸。謹訂求稿簡章如后。

(一) 稿件種類。如學理。研究。特效方藥。書報評議。問題徵答。中醫藥界之重要消息等。皆所歡迎。體裁不論文言白話。惟以中華文字爲限。必要時得附注歐西文日本文。請繕寫清楚。自行斷句。

(二) 原稿無論登載與否。例不寄還。若投稿人聲明必須寄還者。亦可照辦。惟登載之稿。經手民繕寫。不免稍有汗損耳。

(三) 篇幅過長者。往往分期登載。若投稿人欲一次登完者。請先聲明。

(四) 投稿請示明真姓名及詳細地址。以便通函。至稿端署名。聽投稿人自便。

(五) 稿件登載時。敝處得於文字上加以潤色。必要時亦得酌量增刪。其不願潤色增刪者。亦請聲明。

(六) 稿件無論登載與否。著作權及出版權。本刊及其附屬刊物除外。均歸投稿人自有。惟登載之稿。本刊他日得發行彙刊。

(七) 稿件登出者。除遙從同學作品外。當酌送薄酬。其自願卻酬者。請於稿尾聲明。若發現係出鈔襲。或他種刊物先經登載者。取消酬贈。酬例如下。

甲、現金十元以內。

乙、酌贈本醫室所出醫書。

丙、酌贈本刊。

丁、酌贈本醫室書籍講義代價券。若有特殊佳稿。則臨時函議較豐盛之酬贈。酬贈每五期結算寄送一次。

(八) 稿件請寄上海帖嶺路人安里陸淵雷醫室。中醫新生命編輯處。

孫崧樵主編的

鷺聲醫藥雜誌

——是國醫藥刊的生

力軍，是國醫藥界的好朋友——誠現代最有價值之醫藥讀物！

本刊抱闡揚國醫藥之宗旨，負發展國醫藥之使命，探索固有真理，納於科學之中，採擷新明確證，麗于國粹之下。內容分論壇，醫學，藥學，專著，驗方，醫案，驗方，信箱，等八欄。材料豐富，學說新穎，多出於海內名手，且價格便宜，出版準確，故雖發行未久，已風行全國，實華南最完善之醫藥刊物。

「定價全年十二期一元半年六期五角零售每期一角」

總發行所廈門廈禾路二四一號鷺聲醫藥雜誌社

小言論

新春裏的熱望

謝誦穆

大地上燃燒着新生的烈焰。太空中充滿了活躍的朝氣。民國二十四年燦爛的新春。已從灰褐色的殘冬裏。飛度過來了。

我們揭開中醫的歷史。可以看見浩如烟海的著作。蘊蓄着豐富的材料。只待我們自己去開發。在繁盛的都市。中醫仍把握着治療的權威。在廣大的民間。中醫仍樹立着無上的信仰。

無論什麼事業。要自己去奮鬥。要自己去努力。知道奮鬥。知道努力。纔有更大的繁榮。自暴自棄。足以毀滅一切而有餘。我們要自愛啊。——全體的中醫。

今後的中醫。要放遠自己的目光。我們要以誠摯的態度。掃除一切的隔閡。以熱烈的血忱。團結成鐵一般的堅固。我們要將已往的一切啊。——付與天際之流雲。

雖然我們僅僅是中醫界的一分子。然而我們却關心到中醫全體的前途。雖然我們的能力。是像羔羊一樣的微

弱。然而我們的意志。却像精鋼一樣的堅強。我們爲中醫而苦幹。我們爲中醫而吶喊。我們要噴出滿腔的熱血。灑遍這整個的中醫界。

研究

節補達生編緒言

徐瀛芳

我國胎產諸書。僅存一二陳說。於分娩之學理及徵候。殊少依據。士人多不究心。婦女更乏此種常識。於是不得不託之心鄙術拙之穩婆。以致無中生有。弄巧成拙。前清康熙中。亟齋居士始著達生編。倡天德自然之說。理明而辭達。流傳已徧海內。婦孺咸蒙其庥。然在彼時於分娩之學理及徵候。仍無法剖晰也。近者歐風東漸。產科蔚成專門之學。然通都大邑固爲可恃。鄉僻何以救濟。且無論何地。貧乏居多。所費不貲。亦難負荷。况生理自然之事。產婦及家屬懵然無知。徒恃有開明之產科。亦不近理。然欲人人知其大概。則此繁賾之學理及方法。又非尋常所能通。不佞憫焉。爰取達生編略爲刪訂。復取西醫產科中關於分娩之學理及徵候。極淺要者。以補其缺。斯固爲鄉曲平民及初妊產婦言之。非爲產科學者言之也。識者幸無嗤其陋。

達生編本書。簡明已極。本無庸節刪。但用爲一種通俗書。字句愈少愈妙。且坊間已有節本。故於文字上如有勝於原書者。則從節本。其可不必更改者。概從原書。惟求切用而已。或謂今日西醫產科如此精詳。猶欲依傍達生編。未免過於陳腐。不知自然之理。我國學者思索所得。已不讓西人。但取新說證明。使人易於了澈其效。未必不勝於機械作用。況今日號稱具新知識之產科。心粗術拙者。亦不無其人。何如自知其所以然而循序處理之爲愈。是則天德自然之說。固歷久而常新也。

原書凡例。謂此篇特爲產難而設。故開卷卽載臨產。於胎前產後。略及一二。蓋臨產倉卒。不及細檢。因以切要者載之篇首。令人一覽了然。專意行持。自可無誤。又謂此篇只反覆言其理。至於方藥。偶載一二。皆取先賢古方。極平極穩者。蓋平常之事。只須平常之藥。且保護得法。卽平常之藥亦無所用之。今茲節補。雖略增數方。仍不敢悖厥原旨。

不佞本非產科專家。僅從譯書中採取百分之四五。要皆極普通之語。且述以淺顯文辭。故不必標明所引書籍。蓋只求略解分娩之學理及徵候。庶於臨產經過情形。不至疑懼。從而知所以應守自然。及不爲墨守自然所誤。此則節補達生編之意也。亟齋居士曰。生也者。天地自然之理。如目視而耳聽。手持而足行。至平至易。不待勉強而無難者也。世有視若大病而託命於產科者。可以恍然矣。

中華民國十六年一月修水徐舒蓀識。

關於有汗忌麻桂合用

朱師墨

傷寒論於無汗不可用桂枝湯。列爲禁條一之。淵雷先生於中醫新生命第三號答朱君哲明問案中。以爲「有汗忌麻黃者。忌麻黃湯。非謂忌麻黃一味。更深求之。忌麻桂合用耳。」然愚見則以爲有汗忌麻黃湯。固也。若云忌麻桂合用。此語似尙嫌籠統。祇可以語大概如此。若更進而深求之。蓋有忌時。亦有不忌時也。愚嘗治吾祖母惡寒發熱。喘嗽汗出濕衣。不能平臥。終宵危坐。初投以荊防杏蘇二陳等味。病不少動。因念陸九芝有麻黃治喘不致發汗之語。遂與以小青龍湯。覆盃而愈。吾祖母之病不能云爲無汗。小青龍湯不能云爲非麻桂合用。而方與症合若斯。其後用以治同樣太陽病有汗之喘嗽症。亦皆有驗。愚意大概太陽病之有喘者。正爲體工方盛。欲竭力排除病毒而不可得。喘嗽之時則有汗。正以經此掙扎努力。體工乃得少遂其排除病毒之作用。故於此時用麻黃以助體工。使盡其排除病毒之能事。病自可愈。此與柯韻伯傷寒附翼中解釋桂枝二麻黃一湯之症。以爲病雖已經汗過。而因汗出不徹之故。仍須解其肌而開其表。其義正相彷彿也。不過所宜注意者。必須察其雖有汗而不徹之象。始可用之。然亦不可多用。若但見有汗。而不問其徹與不徹。遂認爲不可麻桂合用。此爲不及。若雖遇可用之時。而竟任意用之。此在無汗之太陽病尙不可。豈可以施諸有汗之症。是則過矣。且仲景尙有一喘家作桂枝湯加厚朴杏子佳」之條。是又可見太陽病雖有喘。亦有但宜桂枝湯者。不可以陸九芝有麻黃治喘不致發汗一語。及愚所謂太陽病有喘。正可用麻黃助體工以排除病毒之意。而卽認爲可以漫然無忌也。上但指太陽經實喘而言。至於陽明經之熱喘。及少陰經之虛喘等。非本文所及。無論已。

書此文方訖。乃思淵雷先生之所謂有汗忌麻桂合用者。此「有汗」當然指放溫機能已經亢盛之症而言。愚文

得無羅輯之譏。然此文不過述愚對於麻桂合用之一點小意見而已。非敢吹毛求疵於明哲也。 墨識

擬重刻古醫書目序

章太炎

馮君諱一梅。字夢香。慈谿人。從學曲園先生。于不佞爲先進。博見多聞。兼綜方技。是篇則在浙局所擬者也。甲乙肘後鬼遺及證類本草孫輯神農本草。本醫師所不可闕者。其林校傷寒論原本。則趙清常影宋所刻。日本安政三年所翻。其異於成無己注本者。卷首獨有目錄。方下獨多叔和按語。又林氏以別本校勘者。成注本亦刪去。余昔以論中寒實結胸與三物小陷胸湯白散亦可服。寒熱互岐。諸家不決。因檢千金翼方所引。但作三物小白散。而林校所引別本。正與千金翼方同。由是宿疑冰釋。今成注本刪此校語。則終古疑滯矣。信乎稽古之士。宜得善本而讀之也。本事續方亦多勝處。良方傷於奇峻。局方偏於香燥。誠如昔人所指。然如至寶丹四君子湯二陳湯香薷飲等。人所共曉。不得其書。則冥冥不知緣起矣。唯中藏出自晚宋。用藥與古絕殊。外臺祕要所錄元化諸方。此並不見。頗疑宋人臆造。孫淵如誤信之爾。活人書三因方聖濟總錄儒門事親。今上海皆有印本。其餘單行者殊少。馮君之志。待後人成之矣。民國十二年十二月。章炳麟識。

誦穆謹案。日本安政三年刻林校傷寒論。從趙清常覆宋本翻。淵雷夫子傷寒論今釋正文。直用趙清常覆宋本。趙本文字端好。當不失林校面目。自較安政從趙清常覆宋本翻刻者爲勝。則馮氏所列之宋本傷寒論。一即安政翻刻本。雖不刻。固無害。

擬重刻古醫書目 清光緒九年作

馮一梅

聖濟總錄二百卷 宋政和中奉敕撰。四庫著錄。止纂要二十六卷。乾隆五十年。震澤汪氏始以二百卷原本梓行。今所傳燕遠堂本是也。但此本尚非完帙。其第九十五卷第九十九卷第一百卷。皆仍原本之缺。且第四百四十五卷中有脫文。第九十三卷中有脫文百零三行。汪氏竭盡心力。無從校補。悉照原缺登梓。近日見有東洋刻本。凡汪本所缺。皆洋本所有。數百年來。古本將湮。今日復成完璧。欣逢此會。時哉弗可失矣。竊擬用汪本爲底本。再購洋本一冊。與之參校付刻。必成善本。或洋本不易購致。向近時已購得洋本之家。借鈔缺卷。似亦較便。此書卷帙浩繁。若民間私刻。非大力者不能勝任。且古方書如外臺祕要。已刻於嶺南。千金方已刻於滬上。得此則北宋以前古方。從此可得大概。故局刻古醫書。梅獨以此爲當務之急而首列之。

大觀證類本草三十一卷 宋唐慎微撰。四庫著錄三十卷。乃政和本也。大觀本之第三十一卷。實卽政和本第三十卷之上半卷。雖卷有分合。而其文實無增減。此書自宋以來。本是家傳戶誦之書。故前明坊間。照此兩本屢翻。不計其數。惜皆前明翻刻本。未得宋刻原本。又所見東洋翻刻各本。亦與明刻本板式。均非一律。然合諸本校之。或彼誤而此不誤。或此誤而彼不誤。當亦必成一善本矣。此書佳處。在所引神農本草名醫別錄唐本草蜀本草開寶本草諸書。悉載原文。未嘗增刪一字。尙得漢唐以來著述舊法。故我朝嗜古之士。如孫淵如輯神農本草。畢秋帆注山海經。

郝蘭皋疏爾雅。王石隴疏廣雅。莫不以此書爲依據。陶貞白朱書墨書之舊式。實賴此以存也。又此書宋刻原圖。必極精工。惜明代坊間翻刻本。盡失舊觀。浙局若因陋就簡。仍與坊刻本無異。瑜不掩瑕。亦一歉事。竊謂我朝圖學。以圖書集成爲最精。今擬於博物彙編之禽蟲草木二典中。檢出各圖。一一倩良工影寫。卽是本草之圖。倘缺數種。亦必所缺無幾。倩工補足。自非難事。此議如可行。必能駕宋刻原圖而上之。翻檢圖書集成與監督畫工。願躬任其役。申乙經十二卷。晉皇甫謐撰。四庫著錄八卷。今所傳皆十二卷。乃王肯堂古今醫統正脈本也。東洋刻本。亦卽從醫統本翻出。知此書流傳日少。僅存一綫矣。謐自序謂合素問鍼經明堂孔穴鍼灸治要三部。以成此書。所錄素問鍼經。在王冰史崧未經編次以前。每有異文。尙存古本。明堂孔穴。原書已佚。此書第三卷專載人身孔穴部。穴分寸。爲自來言氣穴者所祖。實卽古明堂孔穴之文。凡銅人鍼灸經及鍼灸聚英鍼灸大全等書。皆從此書輾轉販鬻。得此書。窺見根柢。則他書皆可廢。又各篇之末。皆詳載其病主某穴。爲自來鍼灸法所祖。實卽古鍼灸治要之文。肘後備急方八卷。晉葛洪撰。梅所見有六體齋本東洋本。均八卷。與四庫本同。又見有道藏陸字號殘本兩卷。極精工。可備校。惜不得其完本。俗傳土方極靈驗者。往往出於此書。洗冤錄所附救急諸方。亦卽從此書抄出。知此書實爲單方之祖。

巢氏諸病源候論五十卷。隋大業中。巢元方等奉敕撰。所見有東洋刻本及明刻本。又嘉慶戊辰年。吳門經義齋重刻本。分卷並與四庫本同。巢氏病源亦有汪士鍾藝芸書舍本。此書雖有論無方。然於各症辨析脈象。極詳密。必有師

承。非後世憑虛臆度者可比。故外臺祕要各門。必首引此書。然後附綴他說。學者既讀內經。而欲精益求精。非此書不可。

經集注五卷 明王九思等輯。四庫未著錄。始見於東洋佚存叢書中。阮文達公續經進呈。金山錢氏復刻入守山閣叢書中。近聞上海雖已將佚存叢書全冊翻刻。然每冊直十餘圓。非寒儉者所能猝辦。若專刻難經集注爲單行本。則每冊不過錢數百。凡業醫者。可以人置一冊矣。此書所集注。爲三國時吳呂廣唐楊元操宋丁德用虞庶楊康侯凡五家。備錄諸說。無所增刪。如李鼎祚周易集解之例。頗得古法。晁公武郡齋讀書志。難經有呂楊注一卷。丁注五卷。虞注五卷。原書並佚。賴此以存。讀難經者。必當先讀此注。然後及滑伯仁徐靈胎諸家。以上六種。除聖濟總錄須購致。餘皆梅所自有。然梅意以聖濟總錄與大觀本草爲最要。緣此二書。卷帙繁重。必不能以私刻自任也。

傷寒總病論九卷附音訓一卷修治藥法一卷 宋龐安時撰。音訓及修治藥法。其門人董灼編。四庫雖著錄。而傳本極少。惟黃氏士禮居叢書有之。王肯堂古今醫統正脈。所刻傷寒論。用金成無己注。而龐書實在無己之前。

太平惠民和劑局方十卷總論三卷 四庫著錄。無總論三卷。張氏學津討原本有之。宜用學津本爲完帙。朱氏局方發揮。雖極詆其過用香燥之藥。然其方自古流傳。非出杜撰。凡醫者當因病以投方。非執方以試病。若審病未當而誤投之。不得歸咎於方也。

劉涓子鬼遺方五卷 龔慶宣譌。四庫未著錄。隋書經籍志有此目。今見於顧氏讀畫齋叢書中。隋書稱十卷。而今止五卷。殆非完本歟。抑卷帙爲後人所并歟。隋以前方書獲存者。肘後而外。以此書爲最古。以上三種。皆梅所未得。而有志借鈔者。士禮居學津討原讀畫齋叢書。藏家往往有之。浙局如許重刻。借鈔尙未難事。梅願躬任其役。

右皆梅所平日傾慕之書。深願浙局付梓。公諸天下同好。以惠民濟時者也。

素女方一卷 四庫未著錄。隋書經籍志有此目。今十卷。爲四庫所未錄。梅已購而藏之。

神農本草經三卷 國朝孫馮翼輯。問經堂叢書有此種。梅已借鈔藏之。馮翼所輯。雖盡從大觀證類本草中錄出。然其與太平御覽諸書參校。頗有異同。且其低一格案語中。臚引古書。參考互證。亦多大觀證類本草所未及。

宋本傷寒論十卷 宋林億校正。四庫所錄傷寒論。爲金人成無己注。而林億原校本久佚。近日注傷寒者。不下數十家。類皆名醫私臆。顛倒次序。刪改原文。孰今孰古。幾於不可究詰。卽成無己注本。稍覺近古。而坊間屢經翻刻。亦多爲俗手所刪改。幸東洋尙存此本。係照宋本翻刻。學者讀此。或能稍有依据。浙局若據此重刻。亦中流一砥柱也。炳麟按。成注刪方下諸語。元板已然。非由翻刻刪改。

以上皆四庫未著錄。而梅已藏以備采者。

難經本義二卷 元滑壽注。已得東洋刻本。

中醫新生命 第五號 研究

一〇

褚氏遺書一卷 南齊褚澄撰。已得六醴齋本。

蘇沈良方八卷 宋沈括撰。已得藝海珠塵本。

旅舍備要方一卷 宋董汲撰。已得墨海金壺本。見於孫氏平津館叢書中。

曲禮。醫不三世。不服其藥。孔疏。一曰皇帝鍼灸。二曰素女脈訣。三曰神農本草。今軒農之說並存。而素女之書久佚。

或者素女遺法。尙見於素女方中。

附呈古醫書備采目

素問六氣元珠密語十七卷 唐啓元子王冰述。天一閣書目。有烏絲闌鈔本。入子部道家類。梅購得鈔本一冊。無烏絲

闌。蓋別一本也。近日宗湘文太守重理天一閣藏書。已無此帙。則梅所購藏者。可寶貴矣。

元和紀用經一卷 唐啓元子王冰著。其書亦言五運六氣。與元珠密語相發明。梅已購藏。有六醴齋本。

南陽活人書二十一卷 宋朱肱撰。陳振孫直齋書錄解題。作十八卷。馬貴與文獻通考。作二十卷。王肯堂古今醫統正

脈。有二十二卷。今所謂二十一卷者。乃東洋刻本也。梅已購得洋本。擬再訪醫統本合校。

續本事方十卷 宋許叔微撰。四庫著錄。止本事方十卷。近日已有釋義梓行。惟東洋刻本。後多續方。

素問入式運氣論奧三卷 宋劉溫舒撰。已得東洋刻本。

傷寒微旨二卷 宋韓祇和撰。已得墨海金壺本。

三因極一病證方論十八卷 宋陳言撰。已得東洋刻本。

儒門事親十五卷 金張從正撰。已得東洋刻本。

以上八種。皆四庫已著錄。而梅已藏以備采者。如局刻聖濟總錄諸書後。更有餘力。將此書盡行梓。可謂醫學集大成矣。

誦穆謹案。擬重刻古醫書目。列書二十四種。其中難經集注難經本義褚氏遺書元珠密語元和紀用經素問入式運氣論奧。皆不切實用。聖濟總錄甲乙經巢氏病源和劑局方蘇沈良方傷寒總病論旅舍備要方傷寒微旨論肘後方活人書三因方儒門事親等。今坊間皆有通行本。醫者易購致。大觀證類本草。今商務印書館景印四部叢刊。有金泰和晦明軒刊本。可零購。劉涓子鬼遺方。有裘吉生三三醫書刊本。神農本草經有周學海福慧雙修館刻本。爲周氏叢書之一。皆無單行本。難經集注商務亦有景印本。褚氏遺書有六醴齋通行本。馮氏擬刻之書。僅數種未刻。而此數種者。或非醫者所必須。不刻亦無礙。

眼藥的分析

淑 盒

我國治眼病的藥品很多。就是各種成方。也很流行。本草綱目上載着的。更不下數百種。最普通的。還是各藥鋪子裏的眼藥。他們都有方子炮製。考其成分。大都相同。我們試把各著名藥鋪的眼藥。搜集起來。給它們分析一下。就可以曉得。

我們可以先把它們各個的放在水中。攪拌放置。就可以曉得不十分容易溶解。但有一部份溶解的。可以使溶液成灰黃色或淡綠色。這在用眼藥點眼的人。大概可以看到的。若更把石蕊試紙。放到此溶液裏。即變作藍色。這就是有鹼性的表示。不過強弱。稍有不同。

我們再把它們放到稀鹽酸裏。就有發泡沫的現象。大都全部溶解而成淡黃色的溶液。試以硫化氫氣通入這些溶液的時候。大都沒有沉澱物出來。但有一兩種樣品。有少許黑色物析出。依普通分析的手續做去。曉得它是銅的硫化物。但是銅的存量。一般的講起來。是很少的。

再把上面的溶液加氫氧化銻。使成鹼性。再加硫化銻的時候。都有白色物析出。可是再加過量的氫氧化鈉。又溶解了。再依分析手續做去。曉得是鋅的化合物。所以眼藥裏。大都包含鋅的鹽類。

如上面加過硫化銻的濾液。把白色沉澱去。在濾液中加碳酸銻的時候。很多白色物沉澱下來。加醋酸。又溶解。再加草酸。又有白色沉澱。再按照分析的手續。我們可以證明它是鈣的化合物。

以新的許多樣品。各個的和水裝入瓶。自上加入鹽酸。引出發生的氣體至澄清石灰水裏面。都有白沉澱出來。這樣我們又可以曉得眼藥裏有許多碳酸鹽類了。

從上面的簡單分析。我們可以曉得眼藥的成分是碳酸鋅。碳酸鈣。其溶解部分是氧化鈣。但據中醫言。石灰（氧化鈣）是毒。眼藥裏的氧化鈣。或者是從煨燒貝殼後得來的。據業藥舖者言。樟腦冰片等。亦常和入。

至於說眼藥的功効如何。藥有君佐。其主要治病之藥。究係何物。我國眼藥。沿用已久。怎樣用科學的方法來解釋。來改良。來精製。想這很值得去做進一步探討的工作。

|| 晨報附刊科學介紹第三十一期中節錄 ||

小兒服回春丹須知

潮安鄭重真

病有虛實。藥有溫涼。虛者忌涼。亦猶實者之忌溫。如水火不相容。此理最明。人所共知者也。乃吾國丹膏丸散則不然。就中除少數特效藥外。率多大吹特播。幾乎無病不治。然則凡抱病者。惟丹膏丸散是賴。毋須延醫診治。吾人試一思之。甯有是理耶。他姑勿論。試觀市上聲望最著。而光顧最廣之回春丹。流毒社會。卽其一也。

按回春丹之成分。爲犀黃腰黃麝香冰片辰砂天竺黃胆星川貝防風羌活天麻殭蠶全蠍白附子蛇含石等。所合成。而其藥單。則云專治急慢驚風發搐癱瘓內外天吊傷寒邪熱斑疹煩躁痰喘氣急五痛痰厥大便不通小便溺血。及一切昏悶之症。夫此丹之藥。十有五味。稽其作用。厥有五端。其一清血熱。前五味是也。其二化痰。天竺黃等三味是也。其三疏散外風。防風等三味是也。其四弛緩神經。殭蠶全蠍。其五溫化行藥。白附子是也。至於蛇含石一味。只是鎮靜神經而已。綜觀各藥。本屬尋常。惟用於急驚實症。則爲合拍。倘施之慢驚虛症。則去題萬里。不死何待。然亦有似驚風而非驚風。及各種熱病。予以該丹而受無形之慘殺者。亦屬不少。良可浩嘆。茲爲增加讀者常識起見。縷列急驚慢驚熱病各種梗概。

以資識別。爲家長者不可不知也。

驚風（甲）病狀。全身壯熱。手足抽搐。目睛岐視。或直視。牙關緊閉。面青魚口。（口唇作勢努動。如魚口之動。）角弓反張。（頭項背脊動強。向後作弧形。）（乙）病原。大要分三種。（一）飽食之後。感寒發熱而爲驚風者。是胃神經起反應。（二）飽食之後。而遇恐怖爲驚風者。（三）傾跌驚怖成驚風者。是延髓之神經索爲病。按以上第一二三種。乃相當于西醫急性腦膜炎。其說頗雜不贅。（丙）治法。解熱弛緩神經。惟用藥複雜。且非專論本病。故從略。

慢驚（甲）病狀。抽搐時作時止。精神萎頓。睡即露睛。或目上竄。身微熱或冷。或口鼻冷氣。面色淡白。唇色青黯。或吐或瀉。大便青淡。啼聲如貓。（按慢驚乃相當于西醫慢性腦膜炎。與急驚之屬實者迥異。）（乙）病原。大抵由他病失治。轉屬而成。或由吐利脾胃虛損而成。或由傷寒傳變陰症而成。或由急驚過用寒藥。轉變而成。（丙）治法。大法宜溫補。

熱病 各種熱病。主因多爲風寒食積。若能先去其主因。退其發熱。便可無事。大抵熱病多數同時生痰。痰係炎性滲出物。熱退則痰自不爲患。專治化痰。無異隔靴搔癢。凡小兒皆不知吐痰。予以回春丹。往往下青色糞痰。從大便出。此由於天竺黃蛇含石犀黃并用之故。病家見之。信爲藥效。其實所下之青色糞痰。并非肺中之痰。徒犯仲聖太陽表證未罷。忌下之戒而已。故業兒科者。非從傷寒論入手不可。又熱病起始失治。熱向內攻。斯時面青。啼時無涕淚。手握有力。拇指食指作交叉式。可知將作驚風。或手指微作攣。病在未梢神經。此時不過風寒食積。倘能按症施治。使其恢復生理原狀。不

至傳入腦。即防微杜漸之意。若以爲預防驚風。先予回春丹。則引熱入腦。此不明用藥先後之過也。

驚風之證。其虛實緩急及疑似。既如上所述。則其用藥。烏可一致。彼製藥者。不窮病理。不究藥性。竟于藥單中妄稱統治。急慢驚風。在病家多無醫藥常識。一遇小兒驚風。不問虛實。及熱病尙未傳入腦時。即予回春丹。其急驚對症者。固不待言。否則何堪設想。况小兒發育未臻完全。當其病也。如無糧之師。貴在速戰。一經藥悞。機能輒亂。較之成人更難挽救。嗚呼。差之毫厘。謬以千里。遂致斷喪無量數可愛之赤子。此非彼製藥者造成之罪惡耶。余深恐社會對於回春丹統治急慢驚風。及預防之觀念。信之彌堅。積習成風。牢不可破。目睹小兒死於非命。五中滋痛。是以不得不爲之大聲疾呼曰。

急驚風服回春丹。效如桴鼓相應。

慢驚風服之。何異雪上加霜。

熱病未入腦。服之不啻開門揖盜。

凡茲三點。深願醫藥兩界。及一般病家。加以研究及分析。如以余言爲有價值。尤宜隨在宣傳。引以爲戒。就藥單而更正之。或逕名之曰急驚回春丹。庶幾認識既清。則小兒之生命。可以保全。鄙人不敏。謹爲孩提九頓首以謝。

誦穆矣。鄭君論回春丹之不可濫用。甚是。辨驚風熱病之證狀與治法。尤深切著明。

談新纂藥物學及著者

念茲

讀詩遺同志來書。(見三號郵筒欄三三頁——三七頁)誠有同病相憐之感。迨見誦穆先生作答。是念稍懈。然終於放心不下。蓋恐詩遺同志不因此而填其缺憾也。未悉何君以爲然否。(如不歉鄙俗。乞賜示尊址。藉通友好。)何君所缺憾者。以誦穆先生僅示書目。未旁及各書之誰優誰劣。茲不敏。好學無成。喜憂人之憂。樂人之樂。既與同病相憐之感。不妨從而介紹之。

新纂藥物學一書。所載悉爲西藥。全書共分六卷。首卷曰緒論。曰神經藥族。二卷曰循環族。三卷曰呼吸藥族。四卷曰消化藥族。五卷曰生殖藥族。六卷曰泌尿藥族等篇。全部居梁氏叢著之四。已出版者。僅首二兩卷。梁氏現任崇德醫院院長。(廣州佛山汾水西街)原籍湯江。而該書之出處。則在光華醫科大學。(廣州泰康路)可想見是書之價值。當駕諸某某醫學藥學博士大作之上也。氏生平多著述。(見書面附載)富經驗。醫學之外。兼長文才。(見書面附載。即新纂藥物學之書面)醫學書籍。有處方文例(已出版。價捌角。上海北京路二百六十六號五定公司醫藥書報部經售)新藥大成(內容各異。首集八元。二集平裝一元五角。三集平裝同二集)無痛的分娩(價八角)戰爭毒氣防禦常識(價二角)等書。均已出版。預計出版者。尚有臨床注射寶典。中藥之科學改造。中國生藥學。掌中醫範。肺癆病治療大成。國醫革命篇。袖珍新藥典諸書。近又創始國藥科學改造會。

今將原書第一卷內容。重行解剖。以告同志。

甲項 緒論之內容。共分十二章。曰定義、分類、形狀、效力、用法、處方、藥量、現象、禁忌、藥典、製劑、調劑等十二項。又錄原書

各章中要語若干。以明大略。

- (一) 定義 「預防生體細胞。變成疾病。或既成疾病的細胞。使回復於正常狀態。所應用之品物。謂之藥物。」
- (二) 分類 「有因原質分類者。有因狀態分類者。有因效力分類者。有因拉丁文字首分類。其錯雜處。不易記憶。茲特由生理系統上分類。成爲十族如下。」(即神經、循環、呼吸、消化、泌尿、生殖、皮膚、細胞、識官、殺寄生物等)
- (三) 形狀 原書無詳細記載。當參考各藥物項下。
- (四) 效力 (甲) 生理作用。「(一) 局部受感 (二) 吸收受感 (三) 祛除受感。」 (乙) 醫療應用。「由生體感受該藥物所發現之生理作用。而應用於病理的施治者。」
- (五) 用法 (甲) 內服——「水劑、散劑、丸劑、飴劑等。」
 - (乙) 注射——「皮內、皮下、肌肉、血管、神經梢、腰髓、脊腦硬膜外、關節間、腦內、實質內」等十種。
 - (丙) 吸入——「嗅吸、蒸氣、噴注」等三種。
 - (丁) 外用
 - (A) 表皮——「敷、擦、洗滌、罨、浴劑」等五種。
 - (B) 腔穴——「點眼、含漱、灌洗、點滴、灌腸、坐劑」等六種。
- (六) 處方 (甲) 主藥——「即對於該病患可收正確之功效者。」

(乙) 佐藥——「能增進主藥效果。防止主藥副作用。」

(丙) 矯正藥——「凡氣味不快之藥品。用以掩蔽其臭氣惡味。」

(丁) 賦形藥——「於病患無功用。不過增大分量。使服者便於取用而已。」

「上列六項。略具梗概。若十二項各各採入。則篇幅所不許。惟祈有志者。自備原書參閱可也。」

乙項 神經藥族篇之內容。共分五章。曰麻醉劑。藥品凡四十六種。(有中樞局部麻醉劑之分。)曰催眠劑。藥品凡六十種。曰鎮痛劑。藥品凡五十六種。曰鎮氫劑。藥品凡二十六種。曰興奮劑。藥品凡七種。又錄原書藥物一種。俾窺全豹。

麝香 Moschus (節錄興奮劑第七節。)

基原 係棲息於我國西藏小鹿 Moschus Moschiferus 之反芻雙蹄族。麝牡獸臍部腺囊中之分泌物也。放特異強烈之香氣。乃黑褐色或暗褐色之塊狀物。市上所售之品。多非純淨之品。近日有化學製品。功效尤為遠遜。

成分 原缺(未詳)

生理作用 少量對於神經中樞。能惹起刺戟。故令精神興奮。心臟動作亦略為增進。但此等症狀。經過盡速。且引起頭痛、頭部鬱憤、睡眠等狀。而對於消化器上。又能惹起嘔吐、噯氣、各狀態。(念茲按)能令精神興奮。心臟動作略增進。是藥之主要作用。引起頭痛以至於噯氣等因。即副作用是也。

醫療應用：於重篤傳染病（肺炎、室扶斯、大出血、心臟傷害）虛脫等症。用為興奮劑。及鎮痙劑。惟必須危急時期應用之。方能出其危險。間有用於呃逆等症。以取鎮痙作用者。亦屬有效。

用法：（一）內服 〇、一——〇、五（2—8gr）小兒 〇、〇五——〇、二（1—3gr）2%酒精劑每服 1、〇—四、〇（15—60m）1—3時一次
（二）灌腸 〇、三——〇、六（5—10gr）加入小粉等外用

製劑

（1）麝香末 Pulv Moschus

用量 〇、三——〇、六（5—10gr）

（2）麝香酒 Tinct Moschus

用量 二、六——四、〇（40—60gr）——以上為梁氏藥物學原文

「本書每章之前幾篇。均盡力詳解。如麻醉劑中之哥羅方醴鹽酸科卡印。催眠劑中之溴化鉀哥拉。鎮痛劑中之雅片嗎啡。興奮劑中之士的年等。各詳述之。不厭辭繁。只求意達。遠非程著西藥淺說。姚著藥物要義之比。今因篇幅所限。不克詳述。」

誦穆附注 欲專門研究藥學者。梁書確可一讀。已出首次兩卷。每卷二元五角。作者書社有代售。

辨傷寒論誤文二條

張毅成

一、發汗後不可更行桂枝湯。汗出而喘。無大熱者。可與麻黃杏仁甘草石膏湯主之。

二、下後不可更行桂枝湯。若汗出而喘。無大熱者。可與麻黃杏仁甘草石膏湯主之。

合二條以觀。則汗下後俱不可更行桂枝湯。惟句首未明言傷寒或中風。然二條俱列之太陽篇。則其病之屬於陽證可知。然傷寒發汗已解。半日許復煩。脈浮數者。可更發汗。宜桂枝湯主之。又太陽病下之後。其氣上衝者。可與桂枝湯。何汗下後之不可更行桂枝湯乎。此二條實大論自相矛盾之處。二者當不能兩是。依理論。則傷寒發汗已解。半日許復煩。脈浮數者。用桂枝湯。自是真確。當無訛誤。則汗後不可更行桂枝湯之言。必是誤文。太陽病下之後。其氣上衝者。與桂枝湯。依理論亦甚確。蓋氣上衝爲正氣驅毒上行外行之表現。與桂枝正是順生理自然作用。且徵之柴胡證誤下柴胡證仍在。可復與柴胡湯。豈有太陽汗下後桂枝證仍在而不可更行桂枝湯乎。準上以觀。則二條必誤。非仲景原文也。然汗出而喘。無大熱。與麻杏石甘。則頗有研究之價值。嘗見哮喘患者。雖汗出而仍喘。身微熱。證仍屬表。與麻杏石甘。恰是對證之劑。此可徵之治驗而知。是此二條之誤。專在首句。而汗出而喘。無大熱。與麻杏石甘。恐亦僅限哮喘一類之病。以其純是表證故也。而不能賅括其他一切急性傳染病。（無汗者不在此例）國內高明如遇他病有此種見證。而能主此方者。請公開發表。藉資研究。

案此兩條所以不可更行桂枝湯之原因。據舊註謂是無桂枝證之故。信如舊說。則汗下後不可更行桂枝湯。其關鍵在有無桂枝證而已。張君之意。以爲傷寒論中明明有汗下後用桂枝湯之條文。何以此兩條謂汗下後不可更行桂枝湯。豈非自相矛盾。但誦穆拙見。以爲此兩條不更行桂枝湯之故。若用舊說。無桂枝證之說解釋之。亦可通。而張君所引兩條。皆桂枝所主。固宜桂枝湯。此四條經文。二宜桂枝。二不宜桂枝湯。其性質全不相同。似不能援性質不同之甲。證性質不同之乙之非。惟經文原文。但曰發汗後不可更行桂枝湯。下後不可更行桂枝湯。似一切汗下之後。皆不可更行桂枝湯。又不在發汗後下後之下。插入一段不可之理由。此所以啓張君之疑也。又經原文曰。發汗後不可更行桂枝湯。及下後不可更桂枝湯。確實似突兀不近理。舊註是否故意迴護。亦成問題。然則張君之懷疑。固有卓識。惜證據不甚充分。故結論似未能確立。淵雷夫子謂當存疑。誦穆亦以爲然。編者

續辨傷寒論誤文二條

張毅成

予辨二條誤文既竟。忽念山田氏刪改之法。因恍然悟曰。此二條當作發汗後更行桂枝湯。汗出而喘無大熱者。可與麻黃杏仁甘草石膏湯主之。下後更行桂枝湯。若汗出而喘無大熱者。可與麻黃杏仁甘草石膏湯。蓋傷寒麻桂證。多非一次發汗。可以卽愈。亦需經過幾次治療。方可全愈。如傷寒發汗已解。半日許復煩。脈浮數者。可更發汗。宜桂枝湯主之是也。設再服桂枝湯不解。其證汗出而喘無大熱者。可與麻黃杏仁甘草石膏湯主之。仲景之意。或是如此。又太陽病下之

後。其氣上衝者。可與桂枝湯。設服桂枝湯而仍不解。其證汗出而喘無大熱。可與麻黃杏仁甘草石膏湯。如此解釋。或較穩妥。惟二條經文。未置於五十五條及一十五條之後。則後人編次之誤耳。

近世內科國藥處方集 傳染病篇之一

葉橘泉編

梅毒（徽毒）

病原 係一種徐漸進行之特殊傳染病。為梅毒蜜螺旋體寄生生物所致。病之由接種而得者。名後天梅毒。由遺傳而得者。名胎生梅毒。或先天梅毒。後天梅毒。感染之景况。大都由接觸而致。如與患有本病者交媾。或接觸其內衣。及外科產科器械消毒不清等。均能傳染。

病理 後天梅毒之第一期損害。名為初瘡。即發生硬性下疳。第二期損害處所較多。如濕疣、皮疹、眼患等皆是。第三期損害。係有界限之樹膠樣腫。數種皮患。及特種動脈炎等。樹膠樣腫。或梅毒瘤。生於骨或骨衣者。名梅毒結、肌、皮、腦、肝、肺、腎、心、睪丸、腎上腺等處亦生之。先天梅毒除初瘡外（下疳）餘均同。後天梅毒第一期必發初瘡（下疳）。始顯為小紅粒。漸長大。中央成淺潰瘍。其周圍堅硬似軟骨。大小不定。小者多易忽視。如生於尿道口內者。是也。此期全身狀況不惡。或不發熱。無礙健康。第二期為發熱、貧血、皮發斑點狀。或丘疹狀。或膿胞性鱗屑性梅毒疹。會陰腹股溝腋窩。及頰內唇舌咽喉等處發粘膜炎。淋巴腺及關節眼耳膜等發炎。至第三四期則梅毒疹

潰爛結痂。名爲蠟壳瘡。(尖痂瘡)因其痂積疊成蠟壳形。故名。或發顯運動性共濟失調。及全身麻痺。

先天梅毒除初瘡外。凡後天梅毒之諸狀。皆爲先天梅毒所有。小兒產時大約在一二月之內始顯軟弱。枯瘦。皮疹。手足等處有大皰。鼻竅略塞。唇爛。骨症狀甚顯著。齒或脫離。此等小兒罕能久存。其有遲顯徵狀者。皆因早顯症輕細。或痊癒後。發育每不能如常。及至弱冠之年。每顯一種目病。間質性角膜炎。或骨衣炎。關節滑膜炎。皮及淋巴腺增大等徵狀。又有一種腦脊髓梅毒。發現慢性腦脊髓膜炎。或精神症狀譫妄驚厥。或似麻痺性癡呆等。

治法

處方 一、大百中飲 土茯苓四〇、〇。牛膝一五。〇。甘草六、〇。黃連四、〇。檳榔八、〇。太子參六、〇。大黃八、〇。桂枝四、〇。黃芩六、〇。沉香四、〇。川芎六、〇。杜仲三、〇。

右十二味。剉細。作六百西西煎劑。去渣。一日分三次溫服。

適應症 硬性下疳。梅毒瘡疹已潰或未潰。關節痠痛。頭面腫痛。梅毒上攻而甚於上部之症者。

方解 土茯苓爲變質藥。有清血解毒作用。專用爲梅毒驅除劑。並治拘攣骨痛。惡瘡等。兼解汞毒。牛膝爲鎮痛藥。可治

優麻質斯性關節炎之疼痛。及淋病性關節炎痛等。

甘草爲緩和性粘滑藥。有解毒作用。治拘攣急迫諸痛。

黃連爲消炎健胃藥。有退熱鎮嘔作用。用於胃腸卡他兒。及瘡毒發熱諸症。

檳榔爲驅蟲殺菌藥。有健胃攻滯作用。治腹脹。大小便氣秘。關節不利。脚氣等。

太子參（人參）爲興奮性強壯藥。有強心健胃作用。用於一切久病衰弱等症。又正氣不足而病毒亢盛宜用攻毒藥時。往往以本品爲輔佐。

大黃爲瀉下藥。有蕩滌胃腸。排除積毒作用。對於一切瘡毒實熱。大便秘結時用之頗效。

桂枝爲興奮性強壯健胃藥。有溫壯神經。融和血運。治僂麻質斯之功。

黃芩爲清涼性解熱藥。有清血消炎解毒作用。用於寒熱瘡毒。天行熱疫等症。

沉香爲鎮痛藥。有芳香性溫和神經作用。用於心腹疼痛。及關節麻痺。風溼拘攣。轉筋。皮膚癢搔等症。

川芎爲鎮痙鎮痛藥。有融和血運。流通經絡作用。賞用於頭痛體痛。關節風溼痛。並癰疽疥瘡。瘰癧痔疾等症。

杜仲爲強壯藥。賞用於腰膝痠痛。關節僂麻質斯等症有特效。

處方二 紫根杜蠟湯 當歸三。○芍藥六。○川芎四。○升麻八。○杜蠟一六。○黃芪六。○紫根一六。

○大黃六。○甘草四。○忍冬藤三。○。

右十味。剉細。作四百西西煎劑。去渣。一日分三次溫服。

適應症 第二期梅毒下疳潰爛。膿皰毒瘡。粘膜炎。關節骨膜炎。淋巴炎。毒邪沉痼諸症。

方解 當歸爲清涼性通經藥。有活血鎮痛作用。對於癰疽惡瘡。溼痺痛麻等症。有排膿止痛。行血獨痺之功。

芍藥爲鎮痙鎮痛藥。賞用於拘攣腹痛。頭痛。及癰疽痘瘡等症。因其有通經清血作用故也。

升麻爲解熱治瘡藥。對於咽喉口瘡。斑毒膿皰。痘疹等諸瘡毒熱症有特效。因其具有清血解毒作用。
牡蠣爲有機鈣性消炎制泌藥。有止汗制酸作用。用於瘰癧癰瘡。關節痠痛。虛癆盜汗等症有效。
黃芪爲緩和性強壯藥。有利尿排膿生肌止痛作用。最賞用於癰疽敗瘡。大瘋癩疾。五痔鼠瘻。梅毒瘡疖潰爛等症。

紫根爲清涼性變質藥。有清血解毒作用。賞用於瘡毒斑疹。惡性癰疽。痘瘡等症有效。

忍冬爲清涼性解毒藥。用於癰疽疥癬梅毒惡瘡。風溼腫毒淋疾等。花專散熱解毒。藤蔓兼具通絡脈。搜風溼之功。對於關節痛。淋巴炎腫等有效。

大黃川芎甘草均見前。

處方三 小解毒湯 土茯苓四〇・〇。滑石一二・〇。澤瀉一二・〇。阿膠七・〇。木通五・〇。忍冬一二・〇。大黃六・〇。

右七味。剉細。作四百西西煎劑。去渣。一日分三次溫服。

適應症 梅毒下疳。生殖器腐爛。流膿。小便淋瀝。痛不可忍者。

方解 滑石爲粘滑性利尿藥。外用有清涼消炎作用。內服能奏機械的包攝作用。治小便淋痛。止帶濁。及瀉利等。澤瀉爲清涼性利尿藥。用於淋病水腫。頭疼溼痺。小便不利等症。

阿膠爲粘滑性滋養強壯藥。因其富含膠質。虛人用之有滋養之功。出血用之有止血作用。小便不利淋痛。及瘡家諸痛。用本品內服有滋潤組織。及粘滑內膜之作用。故能利小便。止痛也。

木通爲清涼性消炎利尿藥。專用作小便不利。淋痛。水腫。疥癬諸瘡等症之要藥。有解毒散腫通經絡排膿。通乳消癭瘤等之功。土茯苓忍冬大黃均見前。

處方四 六物解毒湯 土茯苓三〇・〇。金銀花一五・〇。川芎一〇・〇。薏苡仁三〇・〇。木瓜一五・〇。大黃七・〇。

右六味。剉細。作四百西西煎劑。去渣。一日分三次服。

適應症 梅毒性關節炎。筋骨疼痛等。

方解 薏苡仁爲強壯滋養藥。具有利尿作用。對於風溼痺痛。脚氣溼毒。筋急拘攣。不可屈伸等症用之有排除毒素。由小便而出之功。木瓜爲鎮痙藥。賞用於溼痺脚氣。筋攣拘痛。霍亂。腓腸肌痙攣等症有特效。金銀花即（忍冬）。土茯苓。大黃。川芎。均見前。

處方五 搜風解毒湯 防風一〇・〇。土茯苓二〇・〇。金銀花二〇・〇。木通八・〇。薏苡仁一五・〇。木瓜一〇・〇。皂角子八・〇。白蘇皮八・〇。

右八味。剉細。作四百西西煎劑。去渣。一日分三次服。

適應症 梅毒瘡。遍體癢痛麻木。筋骨疼痛。下疳溼毒等。兼解汞毒。

方解 防風爲解熱鎮痛藥。對於感冒性頭痛。及皮膚風毒。骨節痛。四肢筋骨攣痛等症。能散內外諸風毒。疎通經絡。因

其有芳香性殺菌解毒鎮瘧作用故也。

皂角子爲驅毒排膿。解凝變質藥。有殺蟲殺菌作用。其性最竄透。善通經絡。能搜剔筋骨間沉潛之毒。對於頑固性之梅毒有特效。

白蘚皮爲解熱驅風藥。用於關節痺痛。皮膚溼毒等症。有清涼性利尿消炎作用。並治婦人產後發熱。陰中腫痛等。

土茯苓。金銀花。木通。薏苡仁。木瓜。均見前。

處方六 解毒湯（香川） 土茯苓二〇・〇。川芎一五・〇。大黃六・〇。茯苓一五・〇。木通一〇・〇。忍冬一五・

〇。甘草一〇・〇。

右七味。剉細。作四百西西煎劑。去渣。一日分三次服。

適應症 下疳潰爛。梅毒溼癬。便毒膿淋。筋骨疼痛。及諸惡瘡毒。

方解 茯苓爲利尿藥。用於小便淋瀝。水腫脚氣溼毒諸症。能排除毒素從小便而出。兼有清涼性鎮靜作用。

土茯苓。川芎。大黃。木通。忍冬。甘草。均見前。

處方七 土茯苓湯（深齋） 土茯苓三五・〇。忍冬一五・〇。大黃八・〇。荆芥一〇・〇。防風八・〇。川芎七・

〇。土骨皮八・〇。

右七味。剉細。作四百西西煎劑。一日分三次服。

適應症 初期梅毒。硬性下疳。兼筋骨疼痛等。

方解 荆芥爲發汗解熱藥。有解毒驅風鎮痙作用。賞用於瘡毒風痺。頭疼體痛。血液病遍身麻痺。疥瘡等症。有清血解

毒之功。

土骨皮爲收斂藥。有清血解毒作用。內服治赤痢腸出血。外用煎汁洗惡瘡。

土茯苓。忍冬。大黃。防風。川芎。均見前。

處方八 黑豆湯（栗園） 桔梗八・〇。紅花四・〇。大黃四・〇。甘草五・〇。黑豆百粒炒。

右五味。剉細。作三百西西煎劑。去渣。一日分三次服。

適應症 梅毒服汞性藥。口中腐爛。齒齦出血。咽疼痛。飲食難下等症。

方解 桔梗爲排膿祛痰藥。對於咽喉疼痛。口舌生瘡。膿毒。痰涎粘着。肺癰腸癰。便毒下疳等症。用之有特效。

紅花爲通經祛痰藥。因其內含紅色素。Carthamin 及黃色素 Sahnoge 有清血解毒作用。於癰瘡腫痛。婦人產

後惡血不下等。一切血液病疼痛諸症。更有鎮痛之功。

黑豆爲解毒藥。兼有滋養作用。外用生研塗癰腫。煮汁飲活血解毒。稀痘瘡。然本品與甘草同用。則解毒之功愈著。

大黃。甘草。均見前。

處方九 四仙湯 土茯苓四〇・〇。牛膝二五・〇。皂角刺二五・〇。五加皮二五・〇。

右四味。剉細。作三百西西煎劑。去渣。一日分三次服。

適應症 梅毒性關節炎。癱瘓質斯。四肢不能動。風癱不能起床者。

方解 皂角刺爲衝動藥。有祛痰排膿作用。實用於癰腫惡瘡。厲風諸症。內服後直達病所。竄透經絡肌肉。有搜剔風毒之功。

五加皮爲鎮痛藥。又有強壯作用。用於疝痛。欠筋骨拘攣。腰脚痠痛。有祛風勝溼。強骨健筋之功。 土茯苓 牛膝 均見前。

處方十 換肌消毒散（樞要） 土茯苓二・〇。白芷當歸皂角刺各七・〇。薏苡仁一二・〇。白蘚皮木瓜木通各六・〇。金銀花一〇・〇。甘草五・〇。

右十味剉細。作三百西西煎劑。去渣。一日分三次溫服。

適應症 下疳潰爛。梅毒。不拘已潰未潰。筋骨疼痛等症。

方解

白芷爲鎮痙藥。有排膿止痛作用。用於頭痛。風毒瘡癢諸症。並治鼻塞流膿。口臭等症。

土茯苓。當歸。皂角刺。薏苡仁。白蘚皮。木瓜。木通。金銀花。甘草。均見前。

紅藤敗醬與兔蘇

蔡子模

紅藤生山谷卑溼處。或生田野溪塘邊卑溼處。狀似薄荷而節密。葉對生而小節。節開淡紫紅花。其莖方。叢生亦如薄荷。氣辛而香。其青梗青葉者。名盤金草。煎服散癰癰。亦能治疔。紅梗葉亦略紅者。開花深紫色。即是紅藤。此草春生。至八九月之間。開花結細實。霜後始枯死。治大腸癰小腸癰肚角癰。未成膿時。煎服五六錢或兩許。可立消。此草先見於景岳外科。而不著其形狀。據程九州云。藥草店中有之。可買而服也。

敗醬草生於九十月。產桑田中或土丘上。狀似菠菜。春起圓梗。其葉不對生。開白花至細。莖高七八寸。結實指面大。形扁。狀如小蒲扇。起穗層疊而上。於麥熟時即枯。煎服亦治大小腸癰肚角癰。於未成膿時服之。亦立即消散。有此二方。能早服之。不愁盲腸炎之爲禍也。

兔蘇草即古之屠蘇草。方梗。葉對生如紫蘇。葉色青而小。始生於三四月。村巷前後多有之。開花起穗紫紅色。其花開一面。如牙刷狀。比紫蘇花差短。高一二尺。味辛而香。土人取鮮者搗自然汁。拌粟粉捏成丸。如桂圓大。陰乾。每用三九。研細拌糯米飯一斗。入缸作酒醴。一夜即香。冷天須三日取出。味極甘。即酒娘也。俗名酒藥草。煎服治痰食交阻之腹痛。亦治

觸污穢成病。腹脹而嘔。頭目暈眩。且能發汗。除風溼。以上三藥草。皆爲常人所忽略。附書於此。以俟表彰。

紅藤治腸癰

何墨君

盲腸在人體中。並無功用。且有害處。位於小腸之側端。長約三四英寸。若我人在飽食之後。遽作劇烈運動。致食物侵入於盲腸。積久不運。漸呈腐敗。爲釀成腸癰之大原因。或偶食不易消化之物。以及過食肥膩。致起便閉。因而釀成此症者。所見亦多。泰西各國兒童。往往將盲腸割去。以絕後患。此症若不早治。必致潰爛。逐漸蔓延於大小兩腸。及至大便一下膿血。則病狀已入重候。每有性命之虞。

腸癰初起時。其臍部下側。與少腹之上端。有紅腫發熱之象。以手按之。疼痛至極難耐。而少腹脹滿。身熱煩渴等症。必隨之而起。偶有咳嗽或轉側之際。其痛勢亦必立即增劇。此症更有一極顯著之症狀。卽病者右腿必緊屈伏貼於少腹之旁。不能伸直。故患腸癰病者。其痛楚情狀。難以筆墨形容者也。

曩閱醫報。謂有紅藤。爲治腸癰病靈驗之藥。余疑信參半。未嘗敢用。此次本埠城內阜民路舍親陸君純嘏。在少腹下側（肚角處）忽患疼痛。初尙並不劇烈。惟稍有發熱。陸君以爲偶爾感受寒邪。故不甚注意。不意時越二日。腹部疼痛愈見緊張。未有片刻停止。且紅腫處不能手按。寒熱亦愈利害。右腿屈伏少腹。欲伸直則更增劇痛。合家惶懼。手足無

措。乃求治於西醫。斷爲盲腸炎病。須用手術割去腐腸。能始保無事。陸君意猶未決。遣公子來速余往。余以局方千金牡丹皮散。佐以逐瘀之方。未見獲效。乃徧查傷寒溫疫條辨。載有腸癰秘方三張。其第一方亦祇紅藤一味。乃據實以告陸君。先購紅藤一兩。如法煎服。（紅藤普通藥肆不備。後在草藥店購來。價甚賤。）翌日再去。擬進服第二方。孰知少腹疼痛。竟得完全消失。寒熱亦退。又喜右腿已照常伸屈。（據陸君云。至夜半時。已經覺漸鬆動。）全家欣幸不止。驚爲仙丹。遂不復接服二方。考之藥性。紅藤爲治腸癰要藥。有破積導瘀敗濁之力。用誌報端。以告各界之留心此病者。附錄原方於後。

□腸癰祕方 凡腸癰生于小肚角。微腫。而小腹隱痛不已者。是毒氣不散。漸大內攻而潰。則成大患矣。急以下方治之。功效靈速。幸勿輕視。及將藥味增減。先用紅藤一兩。酒二碗。煎取一碗。服之。醉臥。翌日用紫花地丁一兩。酒二碗。煎取一碗服之。服後痛漸止。爲已有效。然後服後藥除根。當歸五錢。炙石蠟五個。白殭蠶。全蟬蛻各二錢。蜈蚣川軍各一錢。老蜘蛛二枚。上五藥各研細末。每日空心用酒調服。逐日服之。自消而愈。

|| 錄一月十四日新聞報本埠附刊 || 編者附注

臨證雜記 (一)

謝誦穆

(一) 熱藥與寒藥並用之方法

治寒以熱藥。治熱以寒藥。此盡人之所知。然寒熱錯雜者。又當度其寒熱之多寡輕重。而以寒熱相間之藥疏解之。一方之中。寒藥與熱藥迭出。自不知者觀之。以爲處方者之自相矛盾。實則非深經甘苦者。決不足以知之也。請先以寒熱並用之治驗。爲諸君述之。

一二八之役。余服務於世界紅萬字會醫院。有光華火油公司工人之子。名曰高小刀子者。入院就診。來時身微熱。頭痛甚劇。項背強。不能俯仰。口舌乾燥無苔。脈沉細欲絕。時章師次公。爲中醫部主任。總醫務院醫。謂高孩之病。寒攻則慮其脫。溫中恐益其熱。皆束手不救。次公師乃沉思有頃。爲高孩處一方。方首兩主藥。一爲附子。一爲生地。余問其故。師曰。此病陰陽錯雜。則偏溫偏寒之藥。皆所不宜。脈沉細欲絕。勢將虛脫。吾欲以附子起其脈。恐燥其津液。故佐以生地。若單用生地。則無救於虛脫。惟附子與生地並用。則有兩利而無一弊。昔年有老醫某。以附子與石膏同用。吾嘗嗤其荒謬。後乃知其佐使之中於理也。爾其識之。（高孩服此藥後。脈起神旺津復。後以他藥出入十餘日全愈。）

二十三年夏。舊同學沈香如君之公子。身熱。泄瀉不止。神色萎頓。舌色黑而燥。脈軟弱。已瀕危境。就診於淵雷夫子。處方用附子黃耆石斛等。一劑脈搏有力。舌黑已化。苔面潮潤有津液。出入數日所全愈。壽守型先生言。在杭州時。有友人大汗亡陽。以四逆湯救之。陽方回。忽面赤如火。急飲以童便。赤色始退。蓋醫書所謂戴陽也。

誦穆案。一二兩案。熱藥與寒藥同進。其重心點在熱藥。第三案先進熱藥。後投鹹寒。仍有寒熱並用之意。寒熱錯雜之病。醫者多皇急失措。故寒熱並進之法。醫者所不可不知。仲景書中。頗有寒熱並用之方。茲摘錄數首於左。附以前哲時賢之詮釋。學者比而觀之。可以見寒熱並用之精理。而廣寒熱並用之方法。

附子瀉心湯——尤在涇云。此證邪熱有餘。而正陽不足。設治邪而遺正。則惡寒益甚。或補陽而遺熱。則痞滿愈增。此方寒熱補瀉。並投互治。誠不得已之苦心。

梔子乾薑湯——淵雷夫子云。傷寒大法。有表證者當先解其表。今以丸藥大下之。裏已虛寒。表仍未解。成上熱下寒之局。故身熱不去而微煩也。梔子豉湯之虛煩。係純於熱者。此條之微煩。乃寒熱交錯者。故以梔子清上熱。乾薑溫下寒。與瀉心黃連等湯同意。

黃連湯——成無己曰。此傷寒邪氣傳裏。而爲下寒上熱也。

醫宗金鑑曰。傷寒未解欲嘔吐者。胸中有熱。邪上逆也。腹中痛者。胃中有寒。邪內攻也。此熱邪在胸。寒邪在胃。陰陽之氣不和。失其升降之常。故用黃連湯寒溫互用。甘苦並施。以調理陰陽而和解之也。

丹波氏云。宣明論曰。腹痛欲嘔吐者。上熱下寒也。以陽不得降。而胸熱欲嘔。陰不得升。而下寒腹痛。是升降失常也。

白通加豬膽汁湯——淵雷夫子云。此是陽亡而津不繼者。胃中無津液。以白濡。故乾嘔而煩也。人尿豬膽。所以潤燥

降逆。舊注以爲反治反佐。蓋非是。

乾薑黃芩黃連人參湯——柯韻伯曰。傷寒吐下後。食入口卽吐。此寒邪格熱於上焦也。雖不痞鞭。而病本於心。（指胃。）故用瀉心之半。調其寒熱。以至和平。去生薑半夏者。心下無水氣也。不用甘草大棗者。嘔不宜甘也。

按左金丸以吳茱萸與黃連同用。與黃連湯及此湯同意。

大黃附子湯——喻嘉言曰。仲景治傷寒熱邪。痞聚心下而挾陽虛陰盛之證。用附子瀉心湯之法矣。其雜證脇下偏痛發熱爲陽。其脈弦緊爲陰。是則知陽中陰邪上逆。復立此溫藥下之一法。

張石頑曰。三承氣湯爲寒下之柔劑。白散備急丸爲熱下之剛劑。附子瀉心湯大黃附子湯爲寒熱互結剛柔並劑之和劑。近世但知寒下一途。絕不知有溫下一法。蓋暴感之熱結。可以寒下。久積之寒結。亦可寒下乎。是以備急等法。所由設也。然此僅可治寒實之結。設其人稟質素虛。雖有實邪。固結。敢用剛猛峻劑攻擊之乎。故仲景又立附子瀉心湯。用芩連佐大黃。以祛膈上之熱痞。卽兼附子之溫以散之。大黃附子湯用細辛佐附子。以攻脇下寒結。卽兼大黃之寒以導之。寒熱合用。溫攻並施。此聖法昭然。不可思議者也。

按溫脾湯以大黃附子桂心等同用。與大黃附子湯同意。

誦程案。以上述寒熱藥並用之法。已備一斑。茲再錄齊有堂余聽鴻兩先生醫案各一則。以廣讀者之思路。

齊有堂先生曰。曾治武生張三元。患痢甚危。三日不食。醫治無效。促騎告急。往視其症。上身發熱。下身作冷。此乃陽熱

在上。陰寒在下也。心中煩熱。乃陽明裏證。法用石膏。口苦咽乾。乃少陽裏熱。法主黃芩。飲食不下。屬太陰脾。身熱多汗。少陰亡陽。厥逆腹痛。厥陰裏寒。其證錯雜。寒熱互用。遂與芪朮砂半以理太陰。石膏以清陽明腑熱。黃芩以解少陽裏熱。薑桂故紙以溫少陰亡陽。吳萸川連生附子以驅厥陰之寒逆。並服一劑。諸症減半。於是減去生附子石膏黃芩。再加熟附茯苓灸草芡實山藥。服數劑而全愈矣。

誦穆案。治法合。藥太夾雜。處方雖寒熱並進。亦須有法度。

余聽鴻先生曰。吾幼時。在孟河天寶堂藥鋪曹煥樹先生之門下。其弟魯峯。素有咯血證。是年十月。忽起寒熱頭痛身疼。治以桂枝葛根汗之。寒熱已盡。漸能飲食。停一日。忽然而紅汗出如珠。神靜脈浮而無力。即請馬培之先生診之。服藥依然。至晚汗出更甚。莫可爲計。至二更。余看醫宗金鑑少陰戴陽一條。即謂煥樹先生曰。魯峯叔之病。與戴陽相合。急宜引火歸元。煥樹恍然悟曰。此陽脫症也。非溫納不可。因其素昔吐血。最懼陽藥。故畏縮而不敢專用。倘一差失。殺吾弟矣。余曰。陽無陰不斂。當陰陽並顧。與其不治而死。不如含藥而亡。即以熟地四兩。黨參四兩。黃芪四兩。附子三錢。肉桂三錢。煎汁。加以重便三兩。分三服。先進一服。靜待半時。無所變。再服亦然。三服已盡。汗仍不收。面赤不退。不寐不煩不脹。後治法已亂。曰既能受補。而無他變者。恐病重藥輕故也。再濃煎高麗參二兩服之。又不脹。再以紫河車一具。東洋參二兩。濃汁服之。約一小時許。汗收面紅漸退而安。寐至明日始醒。宛如無恙。——診餘集

(二) 驚風必抽搐抽搐不必皆驚風

兒科中病名之複雜。莫如驚風。醫者之辨認驚風。多以抽搐爲主徵。惟小兒患急性熱病之初期。往往有抽搐。其病理相當於大人之寒戰。而肺炎熱度高時。亦有抽搐。兼以神昏。是卽舊說所謂熱深厥深之類。亦卽溫熱家所謂瘧厥。凡此等證候。皆非真正之急驚風。不得以治急驚之藥投之。若予以專治急驚之藥。則其熱益深。其斃愈速。茲摘錄古義數則如左。

朱丹溪曰。老醫常言小兒驚搐。多是熱證。若先使用驚風藥。若白附子全蝎僵蠶川烏之類。便成壞證。

王肯堂曰。又有搐搦反張斜視。而牙關不緊。口無痰涎。而氣熱。未可直指爲驚風。恐是傷風傷寒夾食夾驚疹痘等證。此卽錢氏假搐之說。各依本證施治。

張雲岐曰。小兒表傷寒。則皮膚閉而爲熱。盛卽生風。欲爲驚搐。血氣未實。不能勝邪。故發搐也。大小便依度。口中氣熱。當發之。

王肯堂又曰。疹後熱不除。忽發搐。不可與急驚同論。

葉桂曰。幼穉之瘧。都因脾胃受病。然氣怯神弱。初病「驚癇厥逆」爲多。在夏秋之間。斷不可認爲驚癇。（初病驚癇厥逆爲多。謂小兒初患瘧疾之時。多現抽搐之證狀也。）

戴北山曰。小兒受溫邪。悉與大人同。而時見驚搐。類於驚風。誤治多死。用大人治邪當汗當清諸法。減小其劑以治之。則愈。

(三) 因梅毒而作呃逆者不治

摯友唐瑞源醫師言。有一病人患梅毒。作呃逆。蓋其病已入第三期。螺旋菌侵襲橫膈膜。損及神經。故作呃逆。呃逆不止。心臟受其影響而衰弱。病必不治。已而果然。(待續)

治驗

療治漫話 (續)

蔡子模

錢啓芳外甥女。年近三十。嫁而貧苦。乃爲乳母於蘇城中由吉巷。夏得腹痛甚劇。蘇城醫生治之無功。主家乃令女還家。調治。遂來外祖家乞醫。啓芳令愚治之。面色蒼紫。脈大而軟。僅四至。舌薄白。大小腹俱痛。痛極則微汗畏風。痛止則能食。但倦怠耳。日痛數十次。愚初以小建中湯。將飴糖易金橘餅。加木香。二劑無效。詢之。雖在暑天下半身欲蓋棉被。乃改用理中湯。潞黨參生冬朮各三錢。乾姜炙甘草各一錢。製附子上肉桂各三分。公丁香五分。二劑痛略緩。轉方用附桂各五分。公丁香八分。痛減半。三診用附桂丁香各一錢。二劑全愈矣。

山南姚家巷。姚其文妻包氏。夏月患嘔不止。所嘔皆黃白膩涎。味或苦或酸。不能飲食。服朱姓醫藥不效。診其脈浮虛無力。面紅微汗。略畏風。臍下悸。小洩全無。愚思此五苓散證也。以五苓原方。去朮加姜汁炒川連淡吳萸各五分。鮮竹二青一錢。製半夏三錢。生姜三片。二劑而愈。

吾友顧宏仁妻席氏。年三十二歲。患久不寐。別無所苦。詢其夜中但覺惡心微悶。小洩一夕一次。亦不熱。脈平和。舌薄白。愚以內經半夏秫米湯。製半夏生秫米白茯苓各三錢。遠志肉五分。一劑能寐半宵。二劑竟愈。

甲寅年十月。愚遊錢橋入王信裕藥鋪。櫃友汪鳴岐。愚之友也。有本鎮人許某者。富翁也。患不寐已三年餘。百藥不效。鳴岐囑其乞診於愚。愚診其脈細軟無力。口乾不能多飲。舌薄白底絳。舌尖有點。白色圓大如豆粒。於不寐時。心中略煩熱。口無涎。雜念叢生。曉則口仍有涎。二便飲食俱如常。別無所苦。愚進吳鞠通清宮湯全方。加竹瀝一小盅。姜汁一點滴。許某視方。自謂無痰。不肯服竹瀝。以己意易硃拌茯神三錢。愚謂用茯神亦好。同治膈上之痰。但茯神之力。不如竹瀝。服竹瀝只須二劑。用茯神須用四劑矣。許是夜煎服一盞。即能睡一點鐘許。果四劑全愈。後二年。其病復發。寄信招愚往。愚適有皖北泗州之遊。不果往。後亦不知如何矣。

乙卯年。愚館於斗山北之河南包家。其地無知愚爛醫者。清明前三日。解館南歸。至清明日遊膠山。有開家橋平文元邀診。其妻吳氏。患少腹連陰中陣痛如刀刺。夜劇晝安。洩出如沸湯而不多。痛極則發熱。手足冷。口乾。然不能多飲。且食不多。不惡寒。聲音洪亮。面色紫赤。舌色亦紫。脈舉之細軟。按之底硬。而大便如常。前醫所服藥。如五苓猪苓柴苓等湯。加瞿

麥琥珀通草車前扁蓄海金沙。及補中益氣加減法。數十劑。俱無一效。愚謂此血熱瘀阻所致。非單用通利藥可愈者。於是以前方去桃仁川芎。另以血餘炭一兩。延胡索五錢。研細末。分十服。一日兩服。同前藥又進五劑而愈。河南包家人。始知守愚能醫。後治包森寶病。而延愚診病者。庶覺多矣。

是年五六月間。多陰雨。雨中往往露射烈日。鄉中養夏蠶家頗盛。然桑田內每因前之澆糞。其溼毒未消。而雨中屢露烈日。人之採葉時踐之。沾其溼毒。足上多生疥癩。癢痛異常。漸發潰爛。出滋水。潰爛未痊。而糞毒先已入腹。遂患喉癢欬嗽。哮喘心悸。口膩吐沫。溲少而濁之證見矣。有包森寶者。常至愚館間談。識之有日矣。是日適至館中。告愚曰。余患喉癢欬嗽。已六日。服藥無效。先生甯能有法治之乎。愚試診其脈。細軟無力。來去模糊。舌白膩口乾。而飲不多。食無味。尚能強進。頭暈身重。聲略啞。心悸。小溲濁少。大便如常。面目略腫。腹亦微腫。夜發熱而不甚惡風。愚爲開方。用杏仁紫苑百部茯苓豬苓茵陳佩蘭各三錢。生殭蠶六錢。三叉路口取深三尺下之生泥一塊。約重二三兩。絹包同煎。煎好去渣。再用白金丸三錢。以藥汁送下三劑。其勢大減。心不悸。溲已多。頭暈亦退。胃口亦開。於是去豬苓茵陳。加冬花海石。又三劑而愈。後承此法加減出入。約治六十餘人。悉皆告痊。嗣是兼有遠方來求治者矣。

守愚治錢基銓表嫂丁氏。素多憂多鬱。患腹痛連脇。經水暴崩。色紫黑。連下不已。遂帶鮮紅。身發大熱。臥則暈眩。坐則稍

止。小溲略熱。脈沉大軟濇。舌薄白。闕姓醫投以如補中益氣法一劑。以致胸膈悶滯。食頓膈不下。痛連少腹腰脅。而血下如故。急以鐵甕申先生交感丹。稍變其制。用製香附茯神各一兩。研細末。分十服。米湯調下。痛脹漸止。而血亦不下矣。遂能食。乃不復服藥。

守愚昔隨程九州時。見先生治三病極奇。錄之以供醫界之研究。可乎。光緒末年。有嚴姓老嫗。年六十餘。患水腫。手足洪腫。腹大如鼓。小溲甚少。一日夜只一二次。但色不黃。亦不覺熱。大便濇而不堅。卽下亦軟爛。食不多。胸中悶滯。脈極微弱。舌淡黃略厚。而不渴。因服藥無效。停藥守死。其女嫁於遠方。因歸母家。請程先生視之。曰。此寒濕之氣爲腫也。命以陳皮蛋入竈火中。煨熟去壳。隨量多少食之。不拘三五枚。皆可。食數日後。如覺口燥。卽取不煨之冷蛋。剝壳食之。食時不可淬鹹味。平時亦不忌鹹。其人如法服之。大小便齊下。皮膚皺縮。胃口大開。食過六七十枚而愈。又一人。年四十餘。業農。喜飲酒。忽患膨脹。面黃唇紫。舌黃膩不渴。心悸溲赤。大便堅結。遍身洪腫。請程視之。曰。此濕熱爲腫也。卽於野外荒塚上。採取白毛藤。洗切煎湯。日日飲之外。且以此草煎湯洗浴。十日大小便暢解。水盡而愈。又一江姓人。年五十餘。素貧苦。因逃媳氣鬱。腹脹作腫。不能食。小溲甚少。面目黧黑。手足亦漸腫。但不如腹之大耳。但少食粥。脈極沉濇。大而有力。大便半軟半硬。舌白根厚。請治於程。程先生以黑丑微炒。萊菔子炒各二兩。研細末。分二十服。日服二服。開水調下。亦大小便齊下。再復半料全愈。

守愚又見一少年。乾欬無痰。面黃身瘦。舌無苔而淡。脈細便燥。飲食尙可。但不知飢。食入亦不脹。乞治於程。程先生命取

南北雜貨店中洋菜三五兩。剪斷入冰糖。和水燉烩作湯飲。服完而愈。又有欬嗽日久。痰中見血絲血點。瘦黃舌紫。脈弦且數。手足心熱。口渴。飲不多。夜甚晝輕。先生以桃仁打光杏仁打生苡仁各三錢。蘆科梗去節一兩。功勞子五錢。甜瓜子六錢打。洋菜剪斷五錢。鮮甜葶藶草一兩。十劑全愈。

險證紀實

謝良毅

一友得病期月。常鬱鬱不舒。自言心下似有物橫梗於中。不食亦不飢。呼吸頗感困苦。以故肢體罷敝。但欲寐。醫言是濕滯中焦。服八珍湯或四君子湯數十劑。飲食略增。而胸脅之滿未已。其人與毅稔。每日到來一次。但以工務旁午。未遑細察也。一日叩我曰。聞君閱醫書頗夥。余病數十日矣。易三醫莫能愈。能為余擬一方否。毅聞其語。不覺惶然汗下。蓋自受書以來。以口腹之累。半載拋荒。從未敢以方技自眩而招尤。此來殊出意表之外。頗有難於應付故也。無已。試為診之。其人面目俱黃。舌苔微黃厚膩。大便二日一次。堅黑如煤。小便短赤。足部略浮腫。固斷其屬於腸炎性黃疸病。並將腸胃炎所引起之副症。膽汁色如何混入血循環等。一一告之。囑其另就他醫處方。其人不肯。因勉處茵陳蒿湯加人參青蒿與之。蓋以其人體素單薄。且久病之後。體液已少。若單用茵陳蒿湯。恐徒損元氣。藥力不逮其用故也。其人睨方而笑。心知其不甚信任。明日問之。果然。但囑其如遇他醫。可將此情形告之。並言此症之危險。不早治將有他變。宜慎也。其人唯而去。詎於診之四日後。夜忽頭痛惡熱。頻發譫語。終夜不能合目。其弟與毅同事。聞報馳回照護。日夜往復數次。因得知其

所延醫生。治療經過及方劑等等。特並轉錄如下。後加己意。得失非所知也。

病發之翌日。其人自言爲黃疸病。醫因用越婢湯加茵蘆蒿與之。服後目光如炬。煩亂益甚。次日轉易他醫。斷爲大便結。用猪胆合人參服之。至夜燥屎得下。然又轉爲下痢。一時數次。後陰急脹殊甚。下糞焦黃。時帶粘液。熱臭不可近。三日復延初醫。診爲少陰下痢。投以茯苓四逆湯。抵夜復見煩燥。痢次益多。每次一二滴。或竟無有。至四日曉。漸繼以血滴。醫來。轉處桃花湯與之。湯服僅半。煩亂愈甚。床中衾枕。必令去之。務盡而後已。夜半膿血雜下。五日之晨。神色漸轉清醒。言語應對。無異常人。頻贊此醫不已。於是復延前醫。醫至診之。喜曰。可矣。非余診斷真確。幾爲無知（指毅）所誤。詞間頗自褒飾。復處小劑桃花湯而去。是日午後四時。病友卽告病終。

毅案。亡友之病。從初變以至病終。因得見病人每日所服藥劑。故特將每日病狀之轉變。先日預告其弟。然恥於後人。爲多數人之常情。故醫治之誤。竟至莫挽。此實爲毅多口之過。深自懺悔不已。此病之不治。一因病人之體質素弱。亦因其人嘗以個人之見。支配方劑。遇溫補藥則喜。遇寒涼劑則棄。成見太深。均足爲招死之道。至於醫案之誤。始終一貫。故特摘出討論。籍明得失。是毅所佇待指釋者也。（一）胸脅苦滿。默默不欲飲食。明是小柴胡證。可信專用小柴胡湯。亦有治愈可能。而所歷數醫。均用芩朮歸芪等劑。竟無一人處以小柴胡湯。是誠難于索解。（二）治黃疸之方。傷寒論中所見凡三。用藥均隨證而異。近有人以茵蘆蒿合麻黃湯。或越婢湯及五苓散等用之。亦能取效。要之隨證活用而已。今其人素稱瘦弱。復經久病之後。體液已竭。可從上部不浮腫。小便知赤。大便結鞭。得其梗概。如此茵蘆蒿

湧之宜否。尙有可商。殊不宜遽發其汗。再耗津液。故越婢加茵陳蒿劑一入。病之轉劇。當在吾人意料之中。(三)下痢屬少陰證。傷寒論中別有專條。用藥當隨其證。不當隨其名。屬溫屬寒。自有尿色可辨。腹診可按。愚意亡友之痢。於白頭翁湯黃連阿膠湯二方擇用。病或可挽。無如醫者膠執成見。祇憑三指按脈。一誤於茯苓四逆。再誤於桃花湯。其人不死。是無醫也。(四)病臻危篤之時。條而脈和人靜。神情清楚。及腹部低陷。胸骨高起。爲腸穿孔之候。病入死期。在不可挽救之列。此節於傷寒論今釋。似曾言之。而該醫尙以爲病愈。無怪其誇耀人前。亡友之遇。誠不幸也。友病遽變之時。毅初得訊。徘徊沈思。反復推求。幾忘寢食。卒以學力薄弱。經驗未孚。踟躕不進。嚮使不自量力。勇往直前。亡友之病。雖難期愈。或不至如是速死。然皆毅平日篤信市醫之過也。

和甫

朱師墨君來函

淵雷先生史席。曩在津門。每耳施今墨夫子稱道。先生之語。以爲唐宋以下。得仲景之衣鉢者。先生一人而已。私心爲之嚮往無已。去歲孟冬。襪被南下。持古紅先生函。謁先生於滬上。因得瞻仰清儀。至今引以爲幸。僕平居嘗謂仲景諸方。多不爲市醫所喜。而蒙冤之深。則無有過于小柴胡湯者。窺葉桂吳塘王士雄之意。直視柴胡爲不可入劑之品。

僕初以其言之拳拳。遂亦不能無疑於柴胡。乃今以臨床所得。則柴胡不僅爲治婦女病之神品。從未有如王孟英所云「逍遙散最劫肝陰」之弊。卽以之治胸脅苦滿寒熱泛嘔等之濕溫症。亦莫不應手而愈。從未見有所謂一用柴胡。必致一團邪火上冒。而耳聾目眩可待也。然僕獨以此爲私人經驗。似不足憑。後與友人於君談及。於君則謂以四逆散加味治濕溫症。屢有殊效。且云甯波范文虎君。治濕溫取效特速。其得力方。卽四逆散也。是則柴胡爲治濕溫要藥。已無疑義。却怪葉吳王輩何以畏之如虎。殊不可解。偶憶王秉衡之重慶堂隨筆。記袁子才患瘧。誤服柴胡。羌獨增劇。後得友人一劑白虎。病始霍然。於是僕乃恍然有悟於此輩所以畏用柴胡之道矣。夫袁氏所患。當是溫瘧。病在陽明。投以柴胡。尙且不可。何況復與羌獨相合哉。此醫之誤。豈可以責柴胡。由是可知王孟英醫案中所貶斥柴胡之處。當多爲袁症之屬也。大概庸醫治病。常犯仲景戒條。病在陽明。投以麻桂。青龍。於是昧昧之徒。不咎醫之誤。而責仲景之方。不可以治溫病。或如袁症之投以柴胡。羌獨。不咎醫之誤。而以爲柴胡不可以治瘧。亦不可以治濕溫。宜乎徐大椿疑葉香巖曾以柴胡殺人。遂乃畏之如虎。僕意葉香巖縱不至此。當亦曾目睹他人之以柴胡殺人。彼蓋但知柴胡之殺人。而不知柴胡所以殺人之故。更不知無論何藥。一經誤用。固皆有殺人可能。一知半解之見。遂致柴胡蒙此不白之冤。於是雖遇柴胡的症。亦且不敢用之。此可爲浩歎者也。敬此虔頌。

撰安

晚朱師墨拜啓 十二月卅一日

樓民樂君來函

淵雷先生大鑒。茲閱中醫新生命第三號王惠蒼君治驗闕甫全一則。不禁有感於衷。夫白虎爲退熱之劑。古訓彰彰然。示禁過嚴。以致後醫畏不敢用。於是神方見棄於世。良可慨也。曩歲有三人病熱。雖悉犯白虎之禁。竟癒其二。今附錄於后。萬望指示。俾明究竟。

魁星閣下袁婦。患身熱自汗。大渴引飲之症。而脈却沉微。與以人參白虎湯。生石羔八錢。生甘草一錢。毛西參錢半。知母錢半。粳米一撮。一劑熱退。二劑霍然。此犯脈沉微而獲效者也。

小東鄉郭某。身大熱。口大渴。而赤脈洪無汗。與以白虎湯。生石羔二兩。知母二錢半。生甘草錢半。當夜下稀溏大便十數行而愈。此患無汗之禁。而獲效者也。

接駕嶺裏王某。大熱大渴。六部洪數。煩躁不安。喜臥涼地。但無點汗。竟與白虎。生石羔一兩。知母錢半。生草一錢。安眠一夜。自覺舒適之至。詎料次日下午。病狀一如前日。更增乾嘔。水入卽吐。此服白虎而不效者也。觀其服后安眠。似若對症。然次日再復。且生噦逆。變出意外。亦在意中。晚自愧才疏識淺。未能洞悉究竟。素仰先生乃國醫界中絕代卓識者。諒必能見病知源。該病究屬藥不對症。仰係病重藥輕。願先生不吝賜教。併示犯禁愈病之理。公諸本刊。幸甚。端此順請
撰安。

晚學
樓民樂謹上

呂在申君來函

淵雷夫子函丈。頃接第三號新生命答張公讓陰虛發熱之理條下。謂霍亂用生理食鹽水後。體溫上升。若升至常溫。不

過血壓恢復。而體溫亦復。若升至常溫以上。乃血管中驟來外物刺激之反射。似無深理。生讀此稿有言者。夫虎列拉經嘔瀉。水分消失。乃現螺瘍。目陷肢厥。此時非靜脈注射大量生理食鹽水。一千西西至數千西西。不克挽救。食鹽水非殺菌。乃代償作用也。考生理食鹽水。普通配合千分之六。對於霍亂。非千分之八或千分之九之生理食鹽水不可。普通食鹽水。大都蒸過一次。若用此千分之六食鹽注射霍亂後。使人有惡寒戰慄發熱之苦。殆即夫子所謂升至常溫以上。此種現象。但為時甚暫。西人謂之反應。且蒸過一次之溜水。水中所含礦物未盡。此即夫子所指外物刺激血管之反射也。若蒸過三次之溜水。則無戰慄惡寒發熱反應之苦。何則。因蒸過三次之溜水。內無礦物。欲試驗此水內無礦物之法。用昇汞若干投入。蒸過三次之溜水即化。否則則不化。以上所言。生實地經驗。不識夫子以為如何。呂在申謹稟。

東天民君來函

民於前年曾加入 先生之指導部。號數為一三四。為時僅一月。嗣加入鐵樵先生函授部。蓋吾愛伯拉圖。尤欲一觀蘇格拉底。若雙方并進。時力財力。皆有所不許也。然於 先生之傷寒今釋。固未嘗一日離手也。居嘗告人以鐵樵先生與先生之所開示。為中國醫學之兩條大路。此意于今春主武漢日報筆政時。曾著論以發之。惜武漢之鎮。醫生多守舊視之。若無睹。計自民讀醫書以來。雖鮮為人治病。然用經方輒有捷效。前年內子生產。於中央醫院施手術。產後患產褥熱。幾為該院所誤。民以汽車載歸。熱度高至四十度以上。險象環生。西醫延專門產科診治。不能必其愈。民用桂枝茯苓丸而安。時友人陳君之夫人。亦患產褥熱。問其如此。延民診治。亦用桂枝茯苓丸兩劑而愈。嘗思公布此為產褥熱之主方。

也。又有一友之夫人。妊娠嘔吐。歷一月有餘。日漸加劇。最後點水不能入。每隔五分鐘。必嘔一次。痛苦萬狀。願死不願生。延時醫多輩。服藥有加無已。乃延民診。斷爲急性胃炎。與以小陷胸一劑而能飲水。二劑而能喫稀粥。三劑而痛苦盡失。然用經方亦輒遭白眼。民治胃炎用小陷胸。黃連用至一錢五分以上。爲此間所未聞。幸友人深信不疑耳。憶有一次。某君病傷寒。其摯友與民熟識。邀往診。民與以白虎湯。不敢服。次日改延他醫。用輕治藥遷延三日不愈。乃入中央醫院。院中人診斷腸已爛。爲之割治。遂爾不起。其摯友後見民。謂幸而未服民藥。蓋其意以爲民之方藥。不能治腸爛。不知當彼改延他醫時。已成承氣症。乃爲輕治所誤也。諸如此類。惟有浩歎而已。（下略）即請

道安

東天民頓首

張國珍君來函

敝人有志於醫。已非一年。然迫於生活。未能離職專攻。又因職務繁冗。亦未得多讀醫書。初得中醫友人指導。謂由素靈類纂等書入手。購而讀之。深感字句難解。且於五行說理。更不能不使人懷疑。初得科學皮毛。難免不召自信力太強之脾氣。以之由懷疑而至廢讀。俟見報載醫校教授口口編國醫講義出售之廣告。謂係用科學整理云云。再引起舊日觀念。竊喜從此得入門矣。不料大失所望。視其內容。乃換湯不換藥的抄襲本耳。祇須觀生理講義各節。大都與素靈類纂相合。意義固同。字句亦同。於是敝人書架上。又多添了神氣活現的醫書。是時也。對於中醫醫理。雖生懷疑。然於堅信治效之意念。絲毫未減也。此後。若接若離者年餘。及今見報載 貴醫室發行新生命雜誌。即函索捧讀。讀罷猛躍不已。數

年宿願。今日得償矣。真正中醫科學化。惟先生可稱。是以前日匯款向貴醫室購傷寒等書。退而再思。未窺全豹。終難得登堂入室。進而擬遙從先生。方得稱願。（下略）張國珍叩上

鄧慶雲君來函

敬啓者。前讀鐵師傷寒輯義。按具見振聾啓聵。開人之茅塞甚多。近在桂書店見先生所著之傷寒今釋。解釋精當。且以科學爲前提。語云青出於藍而勝於藍。誠不謬也。現敝所同學等。除擬函購尊著各書外。並願投入尊室函授部。俾得時沾時雨。遠坐春風。倘他日學有寸進。皆出吾先生之所賜也。茲附上郵票五分。即請查收。並祈將各書價目及寄費函授章程等。一併提示。俾得分別購繳爲禱。此請鈞安

鄧慶雲啓

施惠寰君來函

淵雷先生賜鑒。積年景慕。未獲識

荆。白雲鄉曲。悵何如之。寰自幼習國醫。長益勵斯志。懸壺於今。二十餘載。嘗歎醫道寢微。舊說多迂。庸醫蜂起。不僅醫學前途之虞。亦病家莫大危機也。寰自茲疾疚在心。而研求之思益切。迨民十一年。乃入上海汪洋中醫函授學社。藉得新知。以開茅塞。旋以該社無形停頓。因遂中輟。近數年來。先後得購上海國醫學院刊醫報諸書。展卷驚喜。日有所得。而於先生卓見。尤爲欽佩。去年讀

尊著傷寒今釋全書。竊嘆持論立說之精。闡發醫理之微。其竭正古人。濬啓後學。功非鮮淺矣。惟以金匱今釋一書。迄今

鵠候。未窺全璧。未審何時公世。抑書出已罄。或最近不擬付梓。專爲函授講義耶。倘計如後者。則竊將遵先生遙從弟子例。傾候教益。諒先生莞爾而首諾乎。謹此上陳。乞祈賜示。以慰渴念爲禱。肅此敬請撰安。

施惠寰謹上

講義鱗爪

從根本上推翻氣化（二續）

陸淵雷

補證十八 六氣（續）

●六氣之名義及其配六經。

天元紀大論云。黃帝問曰。天有五行。御五位。以生寒暑燥溼風。人有五藏。化五氣。以生喜怒思憂恐。論言五運相襲而皆治之。終始之日。周而復始。余已知之矣。願聞其與三陰三陽之候。奈何合之。鬼臾區稽首再拜對曰。昭乎哉問也。夫五運陰陽者。天地之道也。萬物之綱紀。變化之父母。生殺之本始。神明之府也。可不通乎。故物生謂之化。物極謂之變。陰陽不測謂之神。神用無方謂之聖。夫變化之爲用也。在天爲玄。在人爲道。在地爲化。化生五味。道生智。玄生神。神在

天爲風。在地爲木。在天爲熱。在地爲火。在天爲溼。在地爲土。在天爲燥。在地爲金。在天爲寒。在地爲水。故在天爲氣。在地成形。形氣相感而化生萬物矣。（注）五位。東南西北中也。五藏五氣及喜怒等。已詳上五藏五行諸篇。「論言」之論。依王注。乃指六節藏象論。其文曰。「五日謂之候。三候謂之氣。六氣謂之時。四時謂之歲。而各從其主治焉。五運相襲而皆治之。終蕃之日。周而復始。」是也。候者。察自然界之變化。以知時令。其源出於夏小正——大戴禮記之篇名——今舊式歷書。尙每月載之。如正月下載「東風解凍。蟄蟲始振」之等。每月凡六候。故每候約得五日也。氣卽節氣。立春雨水乃至小寒大寒是也。五運卽五行之運。於一歲中分主四時也。暮者滿足一歲之謂。從立春至次歲立春。或從冬至至次歲冬至也。黃帝蓋以五行之運。其數僅五。而三陰三陽則六。不知以五配六之法。故問之。然鬼臾區之對。除大言讚歎外。亦只說得五氣與五行之相應。究竟如何多出一火。使成六氣而配三陰三陽。仍未說出。然則火之分爲君相。其理由必極不充分。雖鬼臾區亦不能自圓其說也。「物生謂之化。」謂其生出。自無而有也。「物極謂之變。」謂其敗壞銷亡。自有而之無也。又內經諸篇之文。雖有彼此互見。然未有引他篇之文以討論者。此條引六節藏象論。亦可見是後人之作。非內經本文。

又云。寒暑燥溼風火。天之陰陽也。三陰三陽上奉之。木火土金水火。地之陰陽也。生長化收藏下應之。（注）此承接上文。忽然於五氣五行各添出一火。而絕不言其所以然。信乎六氣之爲湊合矣。

又云。子午之歲。上見少陰。丑未之歲。上見太陰。寅申之歲。上見少陽。卯酉之歲。上見陽明。辰戌之歲。上見太陽。巳亥之

歲。上見厥陰。……厥陰之上。風氣主之。少陰之上。熱氣主之。太陰之上。溼氣主之。少陽之上。相火主之。陽明之上。燥氣主之。太陽之上。寒氣主之。（注）林億云。「詳午未申酉戌亥之歲。爲正化。正司化令之實。子丑寅卯辰巳之歲。爲對化。對司化令之虛。此其大法也。」張介賓類經圖翼云。「六氣分上下左右而行天令。十二支分節令時日而司地化。然以六氣而加於十二支。則有正化對化之不同。如厥陰之所以司於巳亥者。以厥陰屬木。木生於亥。故正化於亥。對化於巳也。少陰所以司於子午者。以少陰爲君火。當正南離位。故正化於午。對化於子也。太陰所以司於丑未者。以太陰屬土居中。王於西南未宮。故正化於未。對化於丑也。少陽所以司於寅申者。以少陽屬相火。位卑於君。火生於寅。故正化於寅。對化於申也。陽明所以司於卯酉者。以陽明屬金。酉爲西方金位。故正化於酉。對化於卯也。太陽所以司於辰戌者。太陽爲水。辰戌屬土。然水行土中。而戌居西北。爲水漸王。是以洪範五行以屬戌水。故正化於戌。對化於辰也。一曰。正司化令之實。對司化令之虛。一曰。正化從本生數。對化從標成數。皆以言陰陽之盛衰。合於十二辰。以爲動靜消息者也。此說詳具玄珠。今錄之以備參考。」按林注。未詳所謂。張氏謂出玄珠。玄珠者。玄珠密語。舊題爲王冰撰者也。今敝齋無此書。無從查檢也。——同學倘有此書。能摘鈔見示。則感謝之至。——張氏所謂「上下左右」者。詳下「左右間氣」節。謂「木生於亥」「火生於寅」者。術數家有五行生旺之說。謂木長生於亥。火長生於寅。金長生於巳。水與土皆長生於申。而土亦寄生於寅。各以「長生、沐浴、冠帶、臨官、帝旺、衰、病、死、墓、絕、胎、養」順次分歷十二支也。謂「洪範五行以戌屬水」者。洪範五行亦術數家之說。一名「大五行」。以子寅辰申戌皆爲水。卯巳皆爲木。午

本刊徵求定戶

本刊原為不定期刊物。茲應讀者之要求。並請郵局掛號。從第二號起。改為定期刊物。每月出一號。月底出版。

本刊第一號業經再版。仍贈閱。索閱者請開具姓名地址。附郵票五分。即寄贈一冊。空函及汗損之郵票。恕不照贈。第二號以後照下開定價表發售。

遙從同學定閱者。照定價八折取費。外埠定閱。最好用匯票。以上海通用。(四川郵票限本省用者不收)一角以內者為限。請用蠟紙襯帖。仍作九五折計。

中華醫學新生命第五號
中華民國廿四年一月卅日出版
中華民國廿四年二月廿日再版

不許轉載

主任兼 陸 淵 雷

編輯 謝 誦 穆

編輯及發行處 陸 淵 雷 醫 室
上海枯樹路人安里

本刊廣告價目

四分之一面	半面	全面	一期	三期	六期	十二期
三元	五元	十元	每期	每期	每期	每期
二元四角	四元	八元	每期	每期	每期	每期
一元八角	三元	六元	每期	每期	每期	每期
一元五角	二元五角	五元	每期	每期	每期	每期

裏封面底面
及顏色紙特
頁均照表加
半均用銀加
諸版者另加
製版費另用
顏色印者另
議刊費先惠

每本定價	一號	六號	十二號
每冊價	一角半	七角半	一元四角
			郵費國內不加
			國外每十二號一元

陸淵雷著 金匱今釋 準期出版 發售特價

本書現已出版。外埠預約者。已陸續掛號寄出。預約自取諸君。請即持預約券向本醫室取書。照預約簡章。過國歷廿六年一月底不取者。預約券作廢。幸勿自誤。

本書定價十二元。實售七折。出版之始。發行紀念特價兩箇月。六折實收。郵費四角。國外酌加。特價期本年底截止。過期即實售八元四角。同時傷寒今釋陸氏論醫集俱售特價。特價期內合購金匱傷寒者。更有意外便宜。請閱面頁裏面下方之廣告。

淵雷昔嘗涉獵訓詁考據之學。又讀西醫書頗多。以此根柢。加以歷年臨床經驗。精思冥悟。以成此書。每一新義發明。必妙合今古。絕無穿鑿牽強之弊。擲筆四顧。自覺百骸暢適。能使讀者點頭拍案。雖不敢謂後無來者。然比之前賢舊作。並世新著。自謂不致屈而居乙。至於排版校對。印刷紙墨。皆躬自檢點。務使豪髮無遺憾。蓋三年已來。學識思想。以及印書經驗。皆視傷寒今釋有進步。故金匱印成。亦視傷寒更精善耳。世有識者。當不河漢吾言。陸淵雷謹啓。

發行處

上海牯嶺路人安里陸淵雷醫室

代售處

上海三馬路望平街口千頃堂書局

上海四馬路二八三號國醫印書館